

لسه فاکرنیے

## الطبعة الأولى

١٤٤٤هـ - ٢٠٢٣م

اسم الديوان:	لسه فاكرني
اسم المؤلف:	د. رشا رشاد
التدقيق اللغوي:	د. ياسر عوض
تصميم الغلاف:	محمد دريالة
الإخراج الداخلي:	خالد محمود
رقم الإيداع:	٢٠٢٢ / ٢٨٠٧٣
الترقيم الدولي:	٩٧٨-٩٧٧-٨٦٤٢٨-٢-٧



ش - حسن خطاب - قسم يوسف بيك - الزقازيق - الشرقية



01020439639



massar.pub1@gmail.com



مسار  
للنشر والتوزيع  
Massar Publishing & Distribution

جميع الحقوق محفوظة، ولا يسمح بإعادة إصدار هذا الكتاب، أو أي جزء منه، ورقياً أو إلكترونياً، سواء بشكل كامل أو جزئي أو عرضه مجاناً عبر أي وسيلة وبأي شكل من الأشكال من دون الحصول على تصريح خطي من دار مسار للنشر.

# لسه فاكرني

ديوان بالعامية المصرية

د. رشارشاد





إهداء

إلى الغالين بزيادة

حبتين ثلاثة

أم عمر و أبو ليلى

الشهيرين بـ "نورهان و "أحمد الحسين"



## شكر خاص

لكل الذين خذلوا القلوب  
وكانوا غير جديرين بالحب  
فلولاهم ما كان الوجد  
ولولاهم ما كان الشعر..

## الافتتاحية

عزيزتى حواء،

لأجل ذاتك..

كوني قوية.. دون غرورو أو تكبر؛ فالقوة الحقيقية تكمن في إرادتك وإصرارك على تذليل العقبات ومواجهة التحديات بشجاعة، وفعل الأشياء التي تجعل منك كل يوم نسخة أفضل مما كنت عليه بالأمس.

كوني ناجحة.. فالنجاح ليس مستحيلاً وأنتِ أهلٌ له وقادرة عليه، فقط تشبّثي بأحلامك حتى النهاية وأنتِ على يقين أنكِ تستطيعين.

كوني مُحبة.. ولكن بكرامة بدون مذلة؛ فأنتِ جديرة بالحب دون الحاجة لتقديم تنازلات ولا تتكسري على أعتاب رجل أفلتت عمداً بل ازدادي إشراقاً وسمواً حتى يدرك كم كان أحق حين فعل!!

كوني واثقة بذاتك.. حتى وإن جانبك الصواب أحياناً أو خذلك الحظ، فكل عشرة على الطريق هي بمثابة إضافة لكِ ولخبراتك الحياتية.

كوني جميلة.. دون ابتذال أو عُري فحجّ فهما لا يجعلان منك أنثى متوهجة، بل يجعلانك في أحسن الأحوال مجرد سلعة رخيصة يلفظها



العابرون بعدما يفرغون منها؛ بحثاً عن شيءٍ ثمينٍ يستحق عناء التمسك به.

كوني حرة.. ولا تخضعي لأية قيود أو أعراف من شأنها أن ترغمك على القيام بأشياء تُخالف قناعاتك ورغباتك الحقيقية، فكثيراً ما تكون كلمة "لا" هي الرد الأمثل ولكننا نخجل من قولها علانيةً.

وأخيراً، ابقِي نابضة بالحياة ولا تسمحِي لأحد أن يطفئك أو يطمس معالم شخصيتك ويجعل منك شخصاً آخر غيرك لا يشبهك، كوني أنتِ حتى وإن لم تحظي بإعجاب البعض؛ فرضاء الجميع غايةٌ لا تُدرَك، وظلي كالخيل في عزتها وكالأشجار في شموخها صامدة دائماً لا تنحني أبداً حتى عندما تأتيها النهاية تموت واقفة.

تحياقي

الكاتبة

## عندي كلام

طال الليل وما أصعب طولُه!  
وعندي كلام عايزة أقوله  
بس خايفة إني أقوله  
ليبقى كلامي عكس ميوله  
أو يكون للحُب أصوله  
علشان أوصله.. علشان أطوله  
دول علمونا العُمر بطولُه  
بنات الناس مش هين يشيروله  
والهوى يمشيلهم.. مش يمشوله  
والهوى بالفعل بس نقوله  
وكل شيء وله مدلوله  
والي يصبر على شيء بينوله

دا عُمَر الحب معرفلي أراضي  
 ولا كان ليا في عجن ولتَّ  
 وكان قلبي عايش فاضي  
 مفهوش من الخلايق حدَّ  
 وكنت غاوية إني أرازي  
 الي في عشقه محطش حدَّ  
 جيت أنتَ كفرت معاصي  
 وأقمت على قلبي الحدَّ  
 لما قابلتك قلبي اتشدَّ  
 كأنه رمال وجرفها المدَّ  
 قلتُ مُحال أكيد مش جدَّ  
 ده عُمَره ما مال ولا حن لحد  
 لكن لما وصالنا امتدَّ  
 لقيت الوجد عليا اشتدَّ  
 وحسم قلبي قراره وبَّتْ

وقالي هو ده الحد  
 وكل ما أقوله اجمد يا فؤادي  
 ويلا بينا من السَّكَّادي  
 يقول فَقَدْتُ قوتي وعنادي  
 ودَوَّه جزاتي  
 رُحْتُ أَنَا كَفِ فِي الهوى وأعادي  
 زي عاداتي  
 جاب رجليا وسابني أهاتي  
 وقالي الأظلم هو البادي  
 وأنا دلوقتي واقعة في حيرة  
 وبدور على أي وسيلة  
 أفتحله بيها السيرة  
 أصل الصبر حباله طويلة  
 بس العمر أيامه قليلة  
 ومش حفصل كده معدومة الحيلة

واقفة معاك محلك سر  
لا بعرف أربط ولا بعرف أحل  
والقلب عنك مخبي السر  
وكل وصالنا ضغطة زر  
لما مناسبة تيجي وتهل  
والله بفكر عقلي أقل  
وأبوح وأقر  
لا الهوى عيب ولا إثم يعر  
ولا أكون نفسي بذل  
والبوح مني عنده يقل  
والله يا ناس دي حاجة تعل  
يلا محدش من أقداره بفعل  
ومفيش مؤمن من الدعا يمل  
وربك هو الأمر محل  
راح أسيب نفسي كده لنصيبي

وترتيب ربي يفوق ترتيبي  
 ويمكن يا دنيا تروفي وتطبي  
 ويجي لو حده ويبقى حبيبي  
 ويمكن حيا قلبي تصيبي  
 وبعدين لا تودّي ولا تحيي  
 ومن غير هوى تفضل مكاتيبي  
 وأنا ونصيبي  
 أنت يا الي كلامي شاير لك  
 ايه بس الفهم يسهلك؟  
 غير إني أغامر وافتنلك  
 على المستخبي الي مش ظاهر وباينلك  
 أيوه يا سيدي الأشواق ندهيلك  
 ولا عُمرِي بَمَلِّك  
 ولا مني حَحْلَك  
 وساية اهتمامي الشوق ينقلك

سايبة قلبك عني يدلك  
وحتى الصمت لوحده قايلك  
إن قلبي بجد مايلك

## مهها كُنت مين

قُلْتُ خلاص الكلمتين  
علشان أقطع شك بيقين  
ومهها كُنت أنت مين  
مقبلش أعيش بين البين  
اسم ورقم موجودين  
على قائمة المنتظرين  
إنك تحس نبض حنين  
وأفضل أجيلك شمال ويمين  
يمكن تشوفني العينين  
وعيونك برّضه متغممين  
تجرح وتقول مُتأسفين  
وعلى الغلاوة تحلف يمين



والقلب يقول وراك: آمين  
والعقل يقول كدايين  
القول والفعل مش متقابلين  
علاقة وفيها متلخبطين  
وملازمة طور التكوين  
وفيها الهوى يدوب تخمين  
ماسك بإيد وسايب بإيد  
موجودة في حياتك لكن بعيد  
والوصل لما الكيف يريد  
وفن المشاعر مش عارف تجيد  
معشوق بليد  
ويعدي الوقت ومفيش جديد  
ومشاعرك تجاهي مش أكيد  
يمكن رايدني بس التوقيت  
ويمكن إحساسك من جليد

مجرد وَهْم وعارض سعيد  
 قابل للسهو والتبديد  
 والنهاية انكسار  
 أو كلمة اعتذار  
 يبقى ليه الانتظار؟  
 ويبقى جدّ مش هزار  
 ومن أجل تصحيح مسار  
 خلي البُعد يصبح قرار  
 شر ومَمْنُوش فرار  
 وحتى لو صعب القرار  
 أصعب منه طول انتظار  
 زي بير وملوش قرار  
 وإن خَلَفَ الأَين آثار  
 كل ليل وراه نهار  
 وكل نجم وله مدار

ولسه مبعتش الأقدار  
 اللي يخلي قلبك عمار  
 ويبقى لك عنده الإيثار  
 وطول ما احنا متنفسين  
 ولسه في العمر فاضل سنين  
 ماشية الحياة ومكملين  
 وعلى التحدي مُصممين  
 ومين قال بطولنا نصبح ناقصين  
 احنا بذواتنا قادرين كاملين  
 وبُكرة فيه ايه ومين؟  
 عن الغيب محجوبين  
 لكن جوانا عايش يقين  
 إن بكرة اللي له مستنيين  
 جايب معاه بعد السنين  
 أحلام وورود متفتحين

حياة وحنين  
وحتى حين  
أنا قُلت خلاص الكلمتين  
علشان أقطع شك بيقين  
ومهما كنت أنت مين  
مقبّلش أعيش بين البين  
اسم ورقم موجودين  
على قائمة المنتظرين

## کل ما اخاصمک

أنا مش عارفة ايه خلاني  
 کل ما اخاصمک أصالحک تاني!!  
 معاک بیتی مش فهماني  
 ليه بيتشقلب کل کياني  
 دايمًا أول وليه مش تاني؟  
 علشان بس أقرب خلاني  
 ومفیش أي مبرر تاني  
 ولا الهوى عَدَى وسهاني  
 واستحال بُعدي ونسياني  
 فکل ما يبعد أقرب تاني  
 وألقى قلبي إلیک وَدَّاني  
 وعلشان يتفسر معنى بياني

نقول من تاني  
 أيوه قلبي بيعزّ عليه  
 إنه يغيب عن لياليه  
 فبيرجع تاني يناهد فيه  
 ويطلع شوق مداريه  
 وهو لساه الشوق مجافيه  
 ولما غُلبت من التّباريح  
 ثُرْتُ وُقُلت كلام تجريح  
 بس للعلم وللتوضيح  
 زعلي منك مش بصحيح  
 هادي وراسي وحد فصيح  
 وتستهل كل مديح  
 لكن في العشق أبيض مِيح  
 والعقل ناقصه كتير تفتيح  
 مش قادر تفهم التلميح

ومقدرش عشقي يبقى صريح  
 ومستنية الوقت القرب يبيح  
 وتبدأ أنت بالتصريح  
 أصل ده العُرف الساري  
 إنك تيجي وتقول شاري  
 وأنا عن نفسي في الوقت الجاري  
 على المتغطي وعلى المداري  
 عماله أشر حلك الوضع الآني  
 وازاي أصر حلك بمكنون وجداني  
 وماذا تفعل لو كُنت مكاني؟  
 يا اللي متحير من مُود قلاب  
 وعمال بدور على الأسباب  
 افهم يلاً مغزى عتاب  
 افهم يلاً ودق الباب  
 دي أحلى الدنيا واحنا أحباب

أنت يا جارح قلبي يا جاني  
العُمر منا هارب فاني  
وعايزاك تصبح حاصد جاني  
زهوَر بُستاني  
وأولاني  
قبل ما يسبق واحد تاني



## عندك عنواني

يا اللي نائبك الأولاني  
وكنْتُ أول وملكش تاني  
لو تُهتِ مِنْكَ عَندَكَ عنواني  
ولو وحشك في مرة زماني  
ممكّن تلف وترجع تاني  
أنا لسه فاتحة لهواك بيباني  
لو عايز الود ينعاد من تاني  
لكن لو هانت عليك أحزاني  
ومفهمتش إن البُعد أذاني  
راح أسيب الدنيا تتلقاني  
ويمكّن في نُص الرحلة ألقاني  
بقابل غيرك واحد تاني

يعز عليه خاطري ووجداني  
 وكلمة أخيرة قبل ما تنساني  
 اللي يعيش لنفسه أنا  
 وفي آخر الرحلة ضعيف وحداني  
 وتحيله الدنيا في الوقت الفاني  
 وتقوله يا اللي ضهرك حاني  
 حُكمي فيك صحيح حَقاني  
 هو اللي هدّزي الباني؟  
 وكُنْتُ زمان عطفك ثاني  
 لما كنت متنعم هاني  
 وغرّك فيا بهرجتي وألواني  
 وقُلْتُ الدنيا مخلوقة عشاني  
 ولما تُهت بين أركاني  
 بيّنت ليك الوش الثاني  
 وطلّعت الشر اللي ياما ملاني

ودایماً من طبعی اُبیعِ خِلائی  
سییتک ورحت لواحد تانی

## میدیا وهایجه

الدنيا صبحت مُملة وهادية  
لاهي مَصاحبة ولاهي مَعادية  
ومش زي ما الخلايق رايدة  
أيام فايته  
وأخبار بايته  
ومیدیا مقلوبة وهایجه  
رقصت نور دينا.. حاجة لوز نادية  
إلا نبينا.. حملة مُعادية  
وناس بعضيها فارسة وكايدة  
وفوق البيعة ولاد الدائرة  
داخلين في الوطنية مُزايدة  
وتعليم عن بُعد وأجيال فلتة

في الأونلاين قاعدة ولا بدة  
 وهي من العلام هربانة وكّتة  
 ومش عارفين تنوين من شدة  
 والأهالي حيجلهم سكتة  
 وناس في الجونة ساقعة وباردة  
 هدمتها قالعة وسالته  
 والبطانة خنقة وكّتة  
 لو في مكانها فضلت ثابتة  
 والصحة الإصابات حاسبة وعدة  
 وبتقول اختبارات اللقاحات جادة  
 وعقبال لما النتائج تصبح بّنة  
 حتكون البشرية فانية وهالكة  
 والأرصاد كمان مش ساكتة  
 برق ورعد وأمطار سدة  
 وفوق دماغكم بيوتكم هدة

وأيامكم زُحل ومهياش فايته  
 والرياضة تسكّت كلاً البتّة  
 يقولوا عيان أبو مكة  
 والأهلى فاز على آخر تكة  
 والزمالك كان نفسه في ستة  
 والجماهير قفشة وشدة  
 وكلها فرق تعبانة وسكّة  
 وبُسبس زعلت من تمورة  
 قامت غارت كده دندونة  
 قالت اتخانق مع عمورة  
 ودوخيني يا لمونة  
 ونجمة كيوت قوي أمورة  
 بيضحكها فيه مَبهورة  
 وعايشة دور الست بارونة  
 وصوروني وأنا بدي معونة

ونمبر وان نفخ بزيادة البالونة  
 فرقعت في وشه وخدله صابونة  
 وجتها نيلة فلوس ملعونة  
 خلت الناس هايفة ومجنونة  
 واحنا طبقة وسطى مُحَايِدَة  
 ملازمين المَرْتَبَة والشَّلْتَة  
 لا لينا في سوسو ولا نعرف عايده  
 وطقت عندنا مَرارة وزايدة  
 واحنا بنتابع الأخبار السايده  
 ومشاكل الدنيا حوالينا زايدة  
 ومش فاتحة إيديها لينا وفارده  
 دي بالْبُلْغَة فينا رازعة وهابده  
 وفَرْدَة بتسلم فَرْدَة  
 وخربانة خربانة  
 ومفيش فايده

## ملکش فی قلبی بیات

لما ودك راح في سُبات  
وتعبت منك ومن كُتر سُهاد  
قُلْتُ ملکش فی قلبی بیات  
وقالوا عِشقك وَهْم بنات  
حُب ومات  
عَدَّی وفات  
لكن لیه كتیر أوقات  
جوا القلب فيه دقات؟  
لو هَلَّ الماضي بالنفحات  
بس مُجرد ضعف بنات  
وَلَا زي ما قالت الروایات  
كل شيء عَدَّی وفات



ساب منه في الروح ندبات  
 ساب فينا لسه حاجات  
 مش مُجدي معاها الاستبعاد  
 فمهما وَصَلْنَا لِلنَّهَايَاتِ  
 نَرْجِعْ نَحْنُ لِلْبِدَايَاتِ  
 أَيُّوهُ سَاعَاتِ  
 بصحي وأبات  
 على طيف حكايات  
 فيها أَنْتَ الْبَطْلُ شَايْفَاكَ  
 أَيُّوهُ سَاعَاتِ  
 كتير بحتاج  
 إني أفضفض بالكلمات  
 أصرخ وأقول آه بهواك  
 وساعات أقول لنفسي بَلَاكَ  
 أكيد حنساك

ولازم أكسب تحدي الذات  
وخلصانة القصة معاك  
وبقيت هنا وأنتَ هناك  
وحالت بنا المسافات  
والقلب قابل للاسترداد  
لكن لما السيرة تنعاد  
وتزيد دقائق  
والحنين يرفرف في الجنبات  
بعرف إن الهروب إثبات  
إن النسيان يدوب بالكاد  
وإن المواجهة محتاجة ثبات  
لو حصل وادتني ميعاد  
واتقابلنا من بعد بعد  
وارد يتحول قلبي فُتات  
ويبقى صعب الإفلات

دي نظرة كفيلة بالإسعاد  
 وكلمة تبدد أي سُكات  
 ويتجدد حُب عمره ما مات  
 وامتى كان عَدَى وفات  
 دا ياما في الغضب قُلْنَا حاجات  
 وكلمة "نعم" صبحت لات  
 وياما في الهوى كذبوا بنات

## قلب مش مختارله ونيره

آه منها ديه الحيرة  
وآه من قلب مش مختارله وتيرة  
اليوم يُقْلِيُّ بَعْدَه جَرِيرَة  
وبكرة يُقْلِيُّ فِرْصَة أُخِيرَة  
وعَمَّال بِيَدَوَّر عَلَى أَي وَسِيلَة  
يَطْوُلُ بِهَا قِصَّة قَصِيرَة  
يَمْكُنُ تَتَحَقَّقُ أَمْنِيَات  
أَنَا فِي الْهُوَى هَاوِيَة وَمَغْمُورَة  
وَمِنْ أَهْلِ الْخُبْرَة طَالِبَة مَشُورَة  
تَوْضَّحْ قَدَامِي أَبْعَاد الصُّورَة  
وَتَخْلِي لِحُطَايَا ثَبَات  
مَشْكَلْتِي مَعَاهُ مِنَ الْبَدَايَات

قلبي بيواجه منه حالات  
 بتخلق في النَّفس شتات  
 ساعات قُريب ومفیش مسافات  
 وساعات بعيد بُعد السماوات  
 وأنا في هواه عايشة أسيرة  
 وصعبة من غيره مسيرة  
 وهو راسي ومفیش سيرة  
 وغارق في بحر سُكات  
 طب لو كان نفسي أكمل  
 ووجوده الدنيا يجمل  
 أروح عنده أفوت وأسلم؟  
 وأقول للقلب يلا اتكلم  
 وأشاور على جرح معلم  
 مهما كانت الاحتمالات  
 وَلَا أبعد والقلب مِسلم

وَأَمْنَعُهُ فِي يَوْمٍ يَتَكَلَّمُ  
 لَجَلِ خَاطِرِ عَزَّةِ ذَاتِ  
 وَزِي مَا نَصَحْنَا الْأَجْدَادَ  
 مَا يَجَاهِرُشْ بِالْعِشْقِ بَنَاتِ  
 دَا جَفَا الْكَرَى مِنْ مُدَّةِ عَيُونِي  
 وَجَايَةِ وَغَرَضِي تَدْلُونِي  
 لِيهِ حَبَّتْهُمْ وَلَا حَسَّوْنِي؟  
 وَأَنْسَى أَزَايَ أَحْبَابِ شَغْلُونِي؟  
 وَالنَّاسَ الَّتِي فِي الْهَوَى سَبَقُونِي  
 شَفِئُوا أَزَايَ مِنْ هَوَى مِنفَاتِ؟

## قلب جدید

اشترولی قلب جدید

أَقْفَالَه حَدِيد

عنه الهوى تَمَلِّ بِعِيد

لا بیستی معاه مواعید

ولا بیخاف منه وعید

راضی یعیش فردانی وحید

قلب سعید

عایش اللحظة بدون توطید

أَي رَوَابِطُ الْقُرْبُ تَزِيد

وَأَي خَلَائِقُ عَنْ نَهْجِهِ تَحِيد

تَحْتَ الْحَظَرِ وَالتَّقْيِيدِ

اشترولی قلب جدید

يكون جامد كده وشديد

جداره سميك

ميتأثرش بالملاغية والتنهيد

لا يأخذ منك ولا يديك

في المِراعية جاف صَليد

وفي الحِنية تصنيفه بليد

اشترولي قلب جديد

بِراعي فروق التوقيت

ويواكب ما هو جديد

في المِراوغة والتثيت

قلب حويط

بينه وبينك خط وسيط

لما يجيك

بِعثمك ويمنيك

إنه شاريك



بس كهان بيتقن ويحيد  
 فن الأعدار والتلاكيك  
 لما يكون قصده ينحيك  
 وفي البيع فوري وتقسيط  
 بارع وعتيد  
 اشترولي قلب جديد  
 أصل يا قلبي نويت أرميك  
 نسخة قديمة عادي وبسيط  
 معدن أصلي مش تقليد  
 جواك شوق ونبض وريد  
 والنوع ده معدش يفيد  
 عشت العُمر كله عبيط  
 لما بتعشق قوي وتريد  
 بالمشاعر تُغمّر وتفيض  
 بألف تحية وألف بريد

وتشوف الحد تنطط تنطيط  
ويبقى لقاء يشبه عيد  
وتحلّق فوق بدون تحويط  
فاكر الهوى راح يحميك  
ووقت الجد حيكون سنيد  
وتيجي الأحلام يصبها التبديد  
والحقايق على وشك تكفيك  
لما يقولك فوق يا عبيط  
دي الملاغية كانت تهريج  
وامشي العبد يلا بعيد  
ومن الذاكرة على طول يمحيك  
وإيده فجأة تفلت إيد  
فتقع تتكسر فتافيت  
ولا يعتني بيك  
ومين القلب لحالته يعيد؟

لا نافعهُ مَرَمَّةٌ ولا تجدید  
 وعلشان اُضمن بشكل اُکید  
 إن محدش تاني الکَرَّةَ یعيد  
 اشترولي قلب جدید  
 أقفاله حدید  
 عنه الهوى تَمَلِّیَّ بعید  
 لا بیستِّی معاه مواعید  
 ولا بیخاف منه وعید  
 راضی یعیش فردانی وحید

## خلينا نفارق بالمعروف

بحق ما كان الهوى عَلَنِي ومكشوف  
وفيه كَتَبْنَا كلمات وحروف  
ورسمنا قُلُوب حَضَنَّاها كفوف  
لما يحصل جَفَا وعزوف  
بلاش بعيونا عداوة نشوف  
وخلينا نفارق بالمعروف  
زي ما كان فيه نجوم الليل  
وأيام العشق اتقال مواويل  
لو بطل القلب في مرة يميل  
وبنّا آن وقت رحيل  
خلي الهجر يبقى جميل  
وفراقنا زي هوانا أصيل

ليه تجرحني وأجرح فيك؟  
 دا أنت لفترة كُنت شريك  
 وكان يوم جوايا ليك  
 مَعَزَّة عن الباقي عليك  
 يبقى خليني وخليك  
 لما البُعد يبقى وشيك  
 ننهى القصة بأسلوب شيك  
 ولما أصبح خلاص مش ليك  
 من فضله يَغْنِينِي وَيَغْنِيكَ  
 أيوه حقيقة ومش طالبة كسوف  
 وارد جدًّا في ظل ظروف  
 يتغير العهد المألوف  
 وقلب عَطُوف  
 كان بالهوى يوم مخفوف  
 يبقى خلاص مش ملهوف

دا محدش غده بیكون معروف  
وفی الأيام یاما حنشوف  
بس أمانة لأي ظروف  
لو صبح الهوى جوانا محذوف  
وبحق ما كان عَلَنِي ومكشوف  
لو حصل بنا جفا وعزوف  
خلینا نفارق بالمعروف

## يلا نعيش

يلا نعيش  
 ونقول للأحزان تبعد متجيش  
 وإن جت نعمل كأن مفيش  
 في الروح ندبات ولا خرابيش  
 ونحط لحياتنا إعلان وأفيش  
 عنوانه: "خلينا نعيش"  
 وحاسب من دايرة مبتتهيش  
 فرماك جواها ومش بشويش  
 وأكل العيش  
 نسانا نعيش  
 والعمر الفايه بيروح ميجيش  
 وفاضل كام قبل التفنيش؟

خلاص ما بقیس

استمتع.. عیش

بتأجل لیه شیء تتمناه؟

مستنی بكرة یحیى ایه ویاہ؟

حلم وحب وأفراح وحیاة؟

دا الزمن یاااااا

عُمره ما نَصَف حد استناه

وَمِنْ ثَمَّ انساہ

لَتَضِيعَ فِي مداه

وتبقى یا ولداه

صورة بهتانة مليانة تشویش

وحكاية عَدمانة ما تتحكیش

ووش خلاص مَهْجَاه الكرامیش

الحَقَّ عیش

ومتز عِلش ومتبکیش



على قلب مَفْعَلِ خاصية التطنيش  
 بين حساباته في خانة التهميش  
 دا قلب بياخد ولا يديش  
 سييه وادفع فوقيه بقشيش  
 وفتح عينك وبطل تطيش  
 فيه غيره يستاهل عشائه تعيش  
 وراح أقولك نُكْتة ما بضحكنيش  
 كان قلبي لوكاندة فيها الكل يعيش  
 أغلبهم خَفَّةً.. فريش وفرايش  
 أساتذة تقليش  
 رأساهم أونطة وتحاييش  
 وفي ضيقة العيش  
 عنهم جاري التفتيش  
 بَح مفيش  
 واللي يعيش

يتعلم درس ما يتنسيش  
إنك لا مؤاخذه متنقيش  
الناس بمظاهر مبتجديش  
دي وشوش منقوشة  
وقلوب مغشوشة  
رهان خسران ونشان حيطيش  
وطول ما تعيش  
ياما من الخلق حدّوق تلطيش  
ومقالب الدنيا ما تنتهيش  
بس اوعى تزجر وتكون قفيش  
وحط الماضي وناسه في التفنيش  
وانسى وعيش

## ايه فَكَّرِكِ بَيْنَا؟

يا اللي افتكركت ليا لينا  
ايه فَكَّرِكِ بَيْنَا؟  
جاي متأخر تو اسينا  
ما قَلَبْنَا الصفحة ونسينا  
حُبِّكَ مكانش في يوم لينا  
ومعاك خذلتنا أمانينا  
لكن بُكَرة الدنيا حتدينا  
الي حتفَرِّح بيه عنينا  
وفي إرادة الله الخير لينا  
ليه أفضل أتعب وأأسى؟  
ويضللني إحساسي  
ويُقَلِّ طيب على القاسي

راح أنسى الي صَبَح ناسي  
 وأخلي الدنيا على مقاسي  
 وإن فيها انقطعت أنفاسي  
 ولو على الشط غايبة مَراسي  
 أيوه اخترت أكون هي  
 أنثى صاحبة أهلية  
 وكسرت القاعدة الروتينية  
 إني أَفْضَلُ في العِشْقِ مستنية  
 تحت الإقامة الجبرية  
 الي مينفعش تبدأ هي  
 بحكم الأعراف البدائية  
 وأخذت خطوة استباقية  
 لما دَب الشوق فيّا  
 وقلّت الكلمة بعفوية  
 ولو التحسبت إثم وخطية

ومش مُهم النتيجة النهائية  
 أو إني أصبح عندك منسية  
 بس ألحق سنين ومعدية  
 في وسط مشاعر ضبابية  
 وأنا ماشية وراها متغمية  
 ومش عارفة حتقرر ايه ليا  
 حتصبح كفوفي متحنية  
 حبيبة في النور مسموعة ومرئية  
 وَلَا واخدي فقره تسليه  
 في الضل مركونه ومرمية  
 أيوه كُنت صريحة انفتاحية  
 وإن شئت احسبها عليا  
 ومش ندمانة على حُسن النية  
 ولا إني مفضلتش مدارية  
 دا نصيب وأمور قدرية

وأنت مش مخلوق ليا  
وما دام في العُمر لسه بقية  
ورجلي على الأرض مخطية  
تبقى النهاية مش ديه  
ولسه للقصة بقية  
وتفاصيل في الغيب مخفية  
لساها مش ظاهرة ومحكية  
ومش خايفة ايه الدنيا مخبية  
ربك كان دائماً لطيف بيا  
إن بت والوجع فيا  
بمشيئته بَصِّح مَرَضِيَّة  
ربك يا صاحبي رب قلوب  
والناس بُرِّزَق على النية

## اعتذار

مَدِينَة لِنَفْسِي بِالْاِعْتِذَارِ  
 وَالْغَلْطَة سَوْءِ الْاِخْتِيَارِ  
 وَبِأَلْفِ غَلْطَةِ الشُّطَّارِ  
 وَكَانَ مِينِ عَلِيَا بِالْحُبِّ شَارِ  
 وَمَنِينِ جَالِي الْاِنْبِهَارِ  
 اَزَايِ شَوْفَتِ اللَّيْلَ نَهَارِ؟!  
 وَالشُّوْقَ مَكَانَشْ لَهُ قَرَارِ!!  
 خِلَاصْ دِلْوَقْتِي بِالْفِعْلِ صَارِ  
 الْبُعْدُ هُوَ أَصْلَحُ قَرَارِ  
 فِي الظَّاهِرِ يَبْدُو اِنْكَسَارِ  
 وَالْحَقِيقَةُ اِنَّهُ اِنْتِصَارِ  
 وَبِيهِ يَتَصَحَّحُ الْمَسَارِ

ولو ليك في مسميات  
سموني قبلك "ست البنات"  
الشرف على راسها تاج  
ومن بعدك بدر ضياؤه زاد  
والدنيا فيها أشياء سواك  
ولو فاكِر إني بصحي وبيات  
على الذكريات  
وقاتلني ليك الاحتياج  
ضحك عليك غرور الذات  
وكبشّر أوقات نحتاج  
هزة تزلزل الجنبات  
علشان نصحح في حياتنا حاجات  
والقلب العاصي اهتدى وأنا ب  
قلْب الصفحة.. قفل الباب  
دا حُبك سامّ كله عذاب



في عز اللهفة اتنحى وغاب  
 لا عَلَى الضحكة ولا الأفراح جاب  
 خلاص غَيْرنا الأَعْتاب  
 ومفيش مني حتى عتاب  
 خسارة في اللي باعنا وساب  
 ولو عملت للعشرة حساب  
 فده مرجوعة أصل الأنساب  
 مش علشان لسه أحباب  
 وربك بيسبب الأسباب  
 نعرف صادق من كذاب  
 وربك أَخَذَ وربك جاب  
 ولو أعطى أذهل الألباب  
 أيوه الغيب محجوب عن عيني  
 ومعرفش فين العمر موديني  
 بس لسه إيماني و يقيني

إن الخالق راح يرضيني  
بكل شيء جميل خلا ب  
دا عُمر لطفه عني ما غاب

## مليون لا

بَطِّل قلبي لما يشوفك .. ينزل دَق  
 حتى لو لِساه مَعشوقك .. يقولك لأ  
 ومتكلمنيش عن ظُلم وحق  
 كان فين شوقك لما نَحَّى قلبي وزق؟  
 وسبتلي في الروح شق  
 اليوم بس قلبك رق؟  
 مليون لأ  
 أيوه بكل عِزّة ذات  
 لو في الدنيا مفيش إلاك  
 بَرَضُه بَلَاك  
 دا الي زمان يبيعك ينساک  
 ويقل بأصله معاك

ميسٽاهلش لحظة هواك

وملهوش إلا جفاك

حتى إن عاد

ومتقوليش صادقة النيات

دي الأفعال بتكون إثبات

ولو كل باني قَوَى الأوتاد

ما كنتش وقعت في يوم بنايات

والي زمنه وَلَّى وفات

عُمره تاني ما بينعاد

وفي أي وقت من الأوقات

مفيش نصيب همل صاحبه وفات

وكل نصيب مكتوبله ميعاد

دا لا بتخطيط ولا باستعداد

كله مكتوبلك من قبل ميلاد

كُنْتُ قُرَيْبٌ وَصَبَحْنَا بَعَاد

كُنتُ حكاية من بين حكايات  
 حلوة فيها البدايات  
 وجت وجعتنا النهايات  
 لكن بتنسّي الأوقات  
 وبتغيّر فينا حاجات  
 ومحدث من أحزانه مات  
 وحاجات راحت وحاجات جات  
 ومفيش شيء له خلود وثبات  
 إلا الخالق في السماوات  
 حتى الدنيا الي شاغلة عباد  
 دنيا متسابة وليها فوات

## تعالیٰ اصالک

تعالیٰ اصالک لو زعلان  
 دالسه لیک فی قلبی مکان  
 والعِشرۃ بنا والی کان  
 عُمَره ما هان  
 ولا قلبی عَهْدک خان  
 یمكن زعلت شویۃ عشان  
 حُبنا معدش زی زمان  
 ملیان عفرته.. کله جنان  
 نُدخل حَتّٰه نعمل قَلبان  
 اَصْبَح هادی کده و بهتان  
 وبَطَلت تُقَلِّ کلام سَهتان  
 یا قَوّام حِلو، یا عیون غِزلان

هى أونطة وكُلشن كان  
 بس الكلمة الحلوة بتحبي كيان  
 وبتحب تتدلع النسوان  
 أيوه حلفت على النسيان  
 طبع ومتأصل في الإنسان  
 وقت الغضب والغليان  
 بيكثر منه الهذيان  
 ارجع وعليا كفارة حلفان  
 ثلاثة وعليهم ستة كمان  
 للرب مني شكر وعرفان  
 دا من بعدك واقفة الأزمان  
 ولا غفيت في ليلة أجفان  
 وبطل الطير غنا في الجنان  
 حتى الورد في أغصانه دبلان  
 ولو يقولوا مهموم تعبان

ييات متألّم الوجدان  
وغلاوتك على طول بَتَبان  
وعايزني أَقُلَّك ايه كمان؟  
أَعْمَلِك لِلْحُب بيان  
ما تيجي أَصالحك لو زعلان



## صدفة متقابلين

صُدفة أنا وأنتَ متقابلين

وليه الحين؟

وزمان كتي يا صُدف فين؟

بيقولوا إننا بعضنا عارفين

مش داريين

إننا بقينا اتين تانيين

الهوية خلاص فاقدين

ورغم تشابه الاسمين

مُختلفين

احنا بِنَّا بُعد سنين

آه وآنين

وبقايا حنين

علی استحياء مداریین  
 ومعانا خلاص ما بقوش فارقین  
 ولا بیصحو نبض وتین  
 وغیر فینا کثیر الین  
 دا کلام بنا مش لاقین  
 وبنسلم مضطربین  
 وما کُنا فاعلین  
 وزی کل المستعجلین  
 رمینا السلام وخلاص ماشیین  
 أنتَ یا الی تطلع مین؟  
 فاکر لما حلفنا یمین  
 إنا علی الود نفضل باقین  
 أدینا خلاص الهوی ناسیین  
 ولسانا أهو ببساطة عایشین  
 والله وطلعنا کدایین

وأحسن منا الشياطين  
على الأقل واضحين ظاهرين  
كُنَّا ملايكة نفسنا فاكرين  
بس طلعلنا بني آدمين

## لسه فاکرني

لسه فاکرني

والله غريبة

راجع ليه من بعد الغيبة

كان الذنب زمان والعيبة

إني بسلامة نية وطيبة

جيت وقلتُ خُذني حبيبة

قلتُ مُحالِ تبقي قريبة

عني غريبة

وهَدتني فرقة وتغريبة

راجع ليه من بعد أوان؟

فجأة ظهر الحب وبان؟

فاكر لسه فاتحة بيان؟

زي ما هُنت .. حُبك هان  
 وقلبي بَعَتْكَ للنسيان  
 ودوّر كده في أي مكان  
 مش حتلاقي في يوم إنسان  
 فِضْل على حاله زي زمان  
 بتغيّرنا الأحران  
 وبتعمل منّا نسخة مَعِيَة  
 أشخاص نَسِياها الطيبة  
 لسه فاكرني؟! والله غريبة  
 دا قبل ما تطلب كلمة ونظرة  
 قَدَم رِجْلٍ وأَخَر عَشْرَة  
 أَصْل الخذلان والكسرة  
 خلوني بايعاك بالعشرة  
 وحطيت نقطة ومفيش فَصْلَة  
 ولو نعمل عن الحق مُناظرة

تطلع أنتَ مديونلي بكثرة  
ولو وجعاك خالصين بَصْرَة  
وجالي وجعك - والله - بِنَصْرَة  
من بعد ضيقة وحسرة  
وأيام عدَّتْهَا عَصِيبة  
والدنيا دوّارة عجيبه  
لسه فاكرنئي؟! والله غريبة  
راجع ليه من بعد الغيبة؟  
مين قال لساني حبيبة؟!!

## ياما في الرحلة

ياما في الرحلة تقابلنا وشوش  
 منها الأصلي والمغشوش  
 وكتر حوالينا الي ما يستاهلوش  
 وحق العشرة في يوم مراعوش  
 وناس النكلة مَيَسُوش  
 حطولهم تراويق ورتوش  
 وقالوا سلاطين في قلب عُروش  
 وناس حيلتها كام ملطوش  
 وتوب منتوش  
 وما طَمْعُوش  
 وناس سياستها حَلَقَ حُوش  
 ومن الحرام ياما رَبُّوا كروش

وما شبعوش  
 وناس کُنیتها الحاکم قرقوش  
 میتبسطوش  
 لو علی الناس فی یوم مداسوش  
 وأخاخ لساها لابسة الطربوش  
 برکتها سیدک الطشطوش  
 یموتوا لو یوم مَفْتُوش  
 والی یتمرد ولا یعجبھوش  
 یصبح منهم منبوذ مکروش  
 والی قلبه من الوجع منهوش  
 حسدوه الناس ولا رَحْموش  
 لو دارَی الوجع ولا بَیْنھوش  
 وقالوا یا بخته ما بیھمّوش  
 مین قال الساخر والفرفوش  
 میبکوش؟



دا کلِ متزخرف منقوش  
 جواه خرابیش و خدوش  
 بس العیون مبتشفهوش  
 والسكر على العلقم مرشوش  
 ویاما خوینا الی مکذبوش  
 وصدّقنا ناس وطلّعوا فشوش  
 صنف و مغشوش  
 ویاما فی الرحلة تقابلنا وشوش

## قلوب فابریکا

یاما حوالینا تحف اُنیکا  
عایزه بنات بقلوب فابریکا  
مَمَحِی الهوی منها بَاسِتیکا  
ولا عُمَرها دَقَّت سیکا  
ولا عَجَبِها الواد "علی ویکا"  
ناس غاویه أفلام شیکا بیکا  
سِکَتِها حاورینی یا کیکا  
وَدِیَّتِها حَبَّة بولوتیکا  
محدث شاف قلوب فابریکا؟  
دی قلوب موجوده فی اَنَّهُ اَوَان؟  
اَکید من قبل ما یتخلق الإنسان  
دی قلوب ایه.. حَجَر صوان

من مارکة صُنع فی تایوان  
 وَلَا یمكن وارد آمریکا  
 محدش شاف قلوب فابریکا؟  
 ازای علی الإحساس بنلوم  
 ومین فینا مَا حَبَش یوم؟  
 دَق قلوبنا قدر محتوم  
 ولما الهوی علیها یحوم  
 تنزل غُنا وتعزف مزیکا  
 محدش شاف قلوب فابریکا؟  
 والمیل ده شعور لاإرادی  
 وفیه ناس بتمشیلہ أراضی  
 وبیخلینا نسامح ونراضی  
 و ما بین الحاضر والماضی  
 اخترعوله ملیون تمحیکا  
 محدش شاف قلوب فابریکا؟

أيوه يا سيدي مش ناكرة عليك  
 إن حبيبتك تكتفي بيك  
 وقلبها يبقى حكر عليك  
 بس لما تصبح ليك  
 قبل كده ما يخصّش معاليك  
 لا كانت هي اتقابلت بيك  
 ولا كُنت في حياتها شريك  
 ولا هي حجة وتلكيكه؟  
 وابقى قابلني في البلايكا  
 لو لقيت قلوب فابريكا

## حروف على الورق

بين كلامي لفَّ طُوف  
 وعلى الورق كُتِرَت حروف  
 بهزم بينها الظروف  
 وأي أحزان وخوف  
 وفيها تقدر تشوف  
 الي جوايا وشاغلني  
 ولو عني سألني  
 أنا من صُغَر سني  
 الكلام كأنه جَنِّي  
 بالغصب جه سَكَنِي  
 ومحدث طَلَّعه مني  
 ولا رَضِي هو يسِينِي

دا الکلام عکاز شایلی  
 إن بات الحظ خاذلني  
 أو الهوى أصبح عازلني  
 الکلام یحیی یغازلني  
 وبالحكاوي يقوم غامرني  
 وكل قصة بتمثلني  
 أنا منها وهي مني  
 کلام واخذ من قلبي حِثَّة  
 ونقیته حِثَّة حِثَّة  
 رفيق أفرّاح وشدة  
 ومزیج لَین وحِدة  
 وساعات للحب حِجَّة  
 وفي كل موضع وحِثَّة  
 فتحلي باب و سِكة  
 وبقي مزاج وغیة

والدنيا الواسعة ديا  
 رحلة وإجبارية  
 واختارت تلف بيا  
 والى فيها جابته فيا  
 وخلصني زي حاوي  
 فطوتها أنا في حكاوي  
 وقلت لي غاوي  
 لو كنت نسياني ناوي  
 فاضله من بعدي الحكاوي  
 وكلام قلمي وسني  
 حاجة على الأرض مني  
 بيها تفتكرني

## عدى الوقت

خلىنا ننسى ويعدي الوقت  
 لا نقول قبل ولا نقول بعد  
 أنا على قلبي أخذت العهد  
 مهما يا حُب عليا نذمت  
 وعشمتني بحلاوة الشهد  
 يفضل بنا حيلة وسد  
 بين حساباتي في الآخر تحت  
 وملناش سوا قسمة وبخت  
 خلىنا ننسى ويعدي الوقت  
 احسب كده ويأيا وعد  
 كام مرة القلب اتشد  
 وبعدين لا بتنصف ولا تسد



ولا في حكايتي بالعدل تبتّ  
 والي بنيتّه أرجع أهّد  
 نفُضّها سيرة لا واد ولا بتّ  
 يعني يا أخي أيقونة السعد؟  
 ملعون هوى نشحته شحت  
 من أوراقي سيرته مسحت  
 خلىنا ننسى ويعدي الوقت  
 آه وبكل وضوح وثبات  
 وبعيد عن جوّ المثاليات  
 كأني قلب فيه دقات  
 كان جوانا احتياجات  
 لكفّ يطبطب علينا ساعات  
 وحضن جوا منه نبات  
 بس ضنّت أمنيّات  
 ولقينا في الدنيا حاجات

غير نَحْنَحَة الروايات  
كفيلة هي بالإسعاد  
وبطولنا عشنا فَشَرَّ الباشوات  
ومالكين زمام الذات  
وقدَرنا في أيام وساعات  
نعمل الي معملهوش حد  
وبقينا فوق وغيرنا تحت  
قمنا نسينا وعدى الوقت

## الفهرس

- ١- عندى كلام ..... ١٠
- ٢- مهما كُنت مين ..... ١٦
- ٣- كل ما أخاصمك ..... ٢١
- ٤- عندك عنوانى ..... ٢٥
- ٥- ميديا وهايجة ..... ٢٨
- ٦- ملكش فى قلبى بيات ..... ٣٢
- ٧- قلب مش مختارله وتيرة ..... ٣٦
- ٨- قلب جديد ..... ٣٩
- ٩- خلينا نفارق بالمعروف ..... ٤٤
- ١٠- يلا نعيش ..... ٤٧
- ١١- ايه فُكرك بينا ..... ٥١
- ١٢- اعتذار ..... ٥٥

- ١٣- مليون لا ..... ٥٩
- ١٤- تعالى أصالحك ..... ٦٢
- ١٥- صدفة متقابلين ..... ٦٥
- ١٦- لسه فاكرنه ..... ٦٨
- ١٧- ياما في الرحلة ..... ٧١
- ١٨- قلوب فابريكا ..... ٧٤
- ١٩- حروف على الورق ..... ٧٧
- ٢٠- عدى الوقت ..... ٨٠

تم بحمد اللہ